

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za rad, socijalnu  
politiku, raseljena lica i izbjeglice



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за рад, социјалну  
политику, расељена лица и изbjеглице

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Labour, Social Policy, Displaced  
Persons and Refugees

Broj:13-02/01-04-41956-44 SI/20  
Sarajevo, 08.12.2020.godine

**SKUPŠTINA KANTONA SARAJEVO**  
Služba za skupštinske poslove  
N/r Predsjedavajućeg Skupštine Kantona Sarajevo  
- Ovdje-

**KANTON SARAJEVO**  
Stručna služba Vlade  
-Ovdje-

Zastupnica Neira Dizdarević, je dana 21.11.2020.godine, u skladu sa Poslovníkom Skupštine Kantona Sarajevo, postavila slijedeće zastupničko pitanje:

“Na molbu sugrađana koji su u programu hraniteljstva, molim za odgovor iz kojeg razloga se duži vremenski period (čak mjesecima) čeka na Rješenje o hraniteljstvu, koje izdaje Ministarstvo za rad, socijalnu politiku, raseljena lica i izbjeglice KS? Na koji način bi se mogao ovaj sistem unaprijediti, s obzirom da je izdavanje rješenja preduslov za niz drugih aktivnosti (kretanje van kantona, isplata naknade itd.)?”

## **ODGOVOR**

Prvostepeni postupak za ostvarivanje prava po Zakonu o hraniteljstvu u Federaciji Bosne i Hercegovine (“Službene novine Federacije BiH”, broj 19/17) ( u daljem tekstu: Federalni zakon) u Kantonu Sarajevo provodi Javna ustanova “Kantonalni centar za socijalni rad”( u daljem tekstu: Kantonalni centar), putem nadležnih službi socijalne zaštite.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Quality management system  
ISO 9001

- Customer focus
- Customer satisfaction
- Continuous improvement
- System/process effectiveness

ID 15 100 6366

[www.tuv-thueringen.de](http://www.tuv-thueringen.de)



Hraniteljstvo je oblik zaštite izvan vlastite porodice kojom se osigurava djetetu ili odraslom licu odgovarajući porodični smještaj u hraniteljskoj porodici.

Kantonalni centar, kao prvostepeni organ provodi dvije vrste upravnih postupaka, primjenjujući odredbe Federalnog zakona, koji se okončavaju donošenjem dvije vrste rješenja i to: rješenje o podobnosti potencijalnih hranitelja i rješenje o smještaju na hraniteljski smještaj. Navedenim federalnim zakonom su uređeni principi, pojam i vrste hraniteljstva, uvjeti za obavljanje hraniteljstva, utvrđivanje podobnosti za obavljanje hraniteljstva, osposobljavanje i edukacija hranitelja, stručna procjena, postupak nakon stručne procjene, utvrđivanje hraniteljske naknade i naknade za izdržavanje hranjenika, te utvrđeno da je prvostepeni organ Kantonalni centar, dok je drugostepeni organ Ministarstvo za rad, socijalnu politiku, raseljena lica i izbjeglice Kantona Sarajevo.

Hraniteljstvo je poseban oblik alterantivnog zbrinjavanja djece i odraslih koji po Federalnom zakonu zahtjeva ozbiljan pristup ovom institutu, te je propisana i edukacija potencijalnih hranitelja, kao jedan od bitnih uslova za obavljanje poslova hranitelja. Za rješavanje o priznavanju prava i upućivanju na smještaj u hraniteljsku porodicu, kao i zaključivanje ugovora o hraniteljstvu mjesno je nadležan centar prebivališta hranjenika. Rješenje o priznavanju prava na smještaj i upućivanju u hraniteljsku porodicu donosi se uz prethodno pribavljenu saglasnost kantonalnog ministarstva u pogledu hraniteljske naknade i naknade za izdržavanje hranjenika.

Hraniteljstvo se može zasnovati samo ako su hranitelji prošli zakonom propisanu edukaciju, dobili pozitivno mišljenje licenciranih edukatora, ako je resorno Ministarstvo za rad, socijalnu politiku, raseljena lica i izbjeglice Kantona Sarajevo dalo prethodnu saglasnost u vezi naknade za izdržavanje hranjenika i naknade za rad hranitelja, što sve predstavlja jako složen, ozbiljan i odgovoran posao, kao i potpunu zaštitu šticeenika, kako djece tako i odraslih.

Prema podacima Kantonalnog centra pojavom epidemije koronavirusa svi postupci su se usporili i usložnili, pa tako i provođenje postupaka propisanih Federalnim propisom, jer mnogi radnici Kantonalnog centra, kao i članovi njihovih porodica su se zarazili koronavirusom, i postupci edukacije su onemogućeni, procjene na terenu, koje podrazumijevaju provjere i posjete na adresama. Početkom organizacije edukacija potencijalnih hranitelja koju organizuje Federalno ministarstvo rada i socijalne politike teče usporeno zbog propisanih epidemioloških mjera. Činjenica da su sve aktivnosti usložnjene pojavom navedene epidemije.

Prema podacima Kantonalnog centra ni u jednom slučaju nije uskraćena usluga smještaja hranjenika u hraniteljsku porodicu, s tim što se u svakom slučaju mora provesti postupak kako to propisuje Federalni zakon u cilju potpune i najbolje zaštite hranjenika.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Ministarstvo za rad, socijalnu politiku, raseljena lica i izbjeglice Kantona Sarajevo i Kantonalni centar će i u narednom periodu poduzimati aktivnosti na unapređenju instituta hraniteljstva u okviru svojih nadležnosti.

Pripremila: Cica Pljevljak, šefica Odjeljenja,

Kontrolisala: Slavica Gorančić, pomoćnica n

Dostavljeno:  
1. Naslovu,  
2.evidenciji,  
3.a/a.



MINISTARSTVO



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Quality management system  
ISO 9001

- Customer focus
- Customer satisfaction
- Continuous improvement
- System/process effectiveness

ID 15 100 63666

[www.tuv-thuringen.de](http://www.tuv-thuringen.de)